

鷄澤縣志卷十五

壇祠

先王以神道設教秩祀之典匪徒崇報凡以理幽佐明使民知畏敬耳今郡邑各有祀事春秋展禮典綦重矣至治馨香通於神明所以昭格來歆者不在禮儀之卒度而在嘉德之無違庶有當先民後神之義至若琳宮梵宇創建有禁而遺構尙存但使正教昌明不崇其說何妨物外遊憩也志壇祠而以寺觀附

社稷壇在城北雍正十年增建臺垣乾隆十八年重修計地六畝九分五釐八毫東西長二十一丈三尺南北長十九丈六尺臺高三尺四面各二丈五尺  
風雲雷雨山川壇在城南雍正十年增建臺垣乾隆十八年重修計地二畝七分二釐七毫東西長九丈三尺五寸南北長十七丈五尺臺高三尺四面各二丈五尺

先農壇在城北雍正六年知縣楊元愷建正房三楹東西房各二楹乾隆二十八年知縣王錦林重修廟基五分清田四畝四分

邑厲壇在城北即社稷壇前地  
鄉厲壇十一處在城社在城西北計地八分八釐 八家社在縣東十五里八家寨社計地一畝一分 浮圖社在縣西十八里浮圖店堡計地一畝一分 屯莊社在縣南十

鷄澤縣志 卷十五

壇祠

五里東六方村計地六分 三陵社在縣南二十五里三陵村計地一畝一分 在城屯在縣南二十里駙馬寨村計地一畝二分七釐 義禮屯在城東八里郝莊村計地八分 惠民屯在縣南十

里楊家莊計地七分七釐 興濟屯在縣南六里雙塔村計地一畝二分 新增社在城西北計地四分 餘慶社在縣南十里四河口村計地八分 城隍廟在縣治東大殿三楹內寢五楹寢東三楹翻軒三楹旁殿各三楹東西廡各十一楹中臺三楹旁各三楹臺下爲儀門門外各七楹頭門三楹旁門各一楹外坊一座乾隆二十五年知縣王錦

林重修事詳重修城隍廟碑記載藝文有香火地三十畝 關帝廟在縣治北迎恩街明崇禎間邑人吉自志增建後殿前清康熙間知縣姜煇建屏壁東西二門廟內靈棘一株歷年久遠天啟間復生兩枝廟有香火地十一畝 一在縣治西承宣街有香火地一十六畝

各村莊共八十餘座南雙塔有地二十六畝永光村地二十五畝劉馬昌地二十二畝榆林村地二十畝吳官營地二十畝東柳村地十五畝全家莊地十五畝東北莊地十二畝西要莊地十四畝餘廟甚多不悉載

八蜡廟在縣治西 馬神廟在縣治西 獄神廟在獄內監獄圍牆向係土砌乾隆二十三年知縣王錦林捐建磚牆

土地祠在縣治儀門東 玉皇廟在縣治西承宣街各村莊共八座 元帝廟即眞武廟一在縣治北通和街一在北門外有香火地一十九畝 各村莊共四十餘座郝莊有地二十八畝吳官營有地二畝餘

不悉載

文王廟在縣治北鳳起山西即帝君舊址康熙六十年建廟立周文王像東西分列百男廡曰廣生帝君蓋求嗣者所奉 五道廟在縣治北通和街

東嶽廟一稱天齊廟在南門外各村莊共十座 逢官營有地四十畝

龍王廟一稱九龍廟 有香火地十畝五分 各村莊二十八座 東屯莊有地十八畝

增福廟在西門外 有香火地五畝六分

碧霞元君廟一稱娘娘廟在北門外金龍口 有香火地一十三畝 各村莊共二十座 西要莊有地三十五畝城隍營有地十二畝駙馬寨有地十畝餘不

悉載

鷄鳴奶奶廟一稱白衣庵在城西門外半里

藥王廟即扁鵲廟在縣南三十里三陵村乾隆十八年重修 有香火地二十三畝 一在縣西四里王雙塔村

玉帝廟在縣西南八里亭自頭 有香火地一十七畝

三官廟在城東北一里梁家莊各莊村共二十座 南莊村有地三十二畝浮圖店村有地二十六畝羅官營有地十九畝柏枝寺村有地十三畝餘不悉載

三皇廟在縣西十二里東柳下村 有香火地三十七畝 一在縣東十五里舊城營

三賢廟即三義廟一在縣西十三里南風鄭一在縣西十八里浮圖店村

帝君廟在縣西十二里東柳下村 有香火地三十五畝

盜河神廟一在縣東十五里舊城營一在縣東十三里邢家堤 有香火地五畝

九天聖母廟在縣北三里毛官營 有香火地三十二畝

### 鷄澤縣志

#### 卷十五

壇廟

崔府君廟在縣西二十五里焦佐村 有香火地二十五畝

閻君廟在縣東十里西要莊村 有香火地六畝

二郎廟在縣北六里魏青堤

文昌閣在縣東十五里舊城營一在縣西十二里東柳下營乾隆十八年樹建

忠義祠在縣治東即府行館舊址雍正六年知縣黃在中奉文建祀唐毛藻元趙思源明田應弼冀

士元郭都陳愈美郝臣王汲馬學古趙濂于起龍趙啟璧王政新康霖康震陳奏可今增祀杜璋齊

宗閔趙應斗

清朝胡俊賈廷輔賈其仁 舊祀劉錫殷太白殷淵全入鄉賢

節孝祠在縣治東即府行館舊址雍正六年知縣黃在中奉文建祀明趙伯讓妻王氏趙亨妻李氏

孟宗妻劉氏郭濂妻韓氏王法妻張氏何澤妻梁氏陳三妻金氏王諒妻史氏王相妻郭氏王守深

妻韓氏王尚古妻聶氏吉仲相妻弓氏王登妻趙氏何炳妻王氏何三讓妻賈氏趙燭妻殷氏梁可

則妻劉氏田九齡妻賈氏柴基妻魏氏何講妻許氏王鎬妻趙氏張民服妻高氏陳喜妻王氏于銳

妻劉氏趙一信妻郭氏劉尚朋妻趙氏劉孟池妻王氏盧尚賓妻郝氏張世紀妻柴氏趙貺妻毛氏

郝近鳳妻梁氏田承志妻賈氏武秋妻李氏田學書妻焦氏金世錄妻郭氏田蘊璽妻李氏宋鉞妻

李氏王奈妻趙氏武元祥妻周氏張璠妻陳氏顧通妻楊氏王邦友妻張氏賈聚樂妻張氏趙瑄妻  
李氏陳明道妻張氏康爾祚妻趙氏殷應試妻馬氏胡復澄妻徐氏王之玉女王氏王璽女王氏  
清朝陳彤瑞妻柴氏趙德潤妻梁氏殷琚妻田氏董三節妻李氏王溫妻杜氏趙夢奎妻殷氏賈天  
與妻田氏何弘任妻郭氏慕三省妻康氏張振文妻李氏蘇萬慰妻閻氏侯以爵妻薛氏趙傑妻聶  
氏今增祀宋秉衡妻胡氏梁怡妻楊氏齊祖昌妻趙氏張進財妻郝氏齊青妻蘇氏李皖妻王氏查  
劉馬昌村乾隆年間爲生員劉雲鳳之妻安氏立有貞節坊一座本志未載聞其氏貞節可嘉或其  
人在續志之後尙及載茲附記之

郭公祠在縣南八里北馮鄭祀元太史令邢臺郭守敬

李公生祠在縣治東北祀明知縣李必達今廢

殷仲子祠在學宮南祀明殉難生員殷淵乾隆十八年建通惠寺在縣治東北

延慶寺在縣南十里楊家莊有香火地四十畝

華嚴寺在縣西十五里黃溝村

廣濟寺在縣西十二里東柳下營有香火地二十畝

石佛寺一在縣東二十里附馬寨有香火地三十畝一在縣南二十八里東硯池有香火地一畝一在縣東北十里

鷄澤縣志

卷十五

壇祠

三

東安上村

大乘寺在縣西南三十里臻底村有香火地十九畝

崇建寺在縣東北二十里韓村有香火地六十畝

崇慶寺在縣西二十里西庄村有香火地二十九畝

淨安寺在縣西二十五里焦佐村有香火地三十三畝四分

開明寺在縣西十八里浮圖店村有香火地三十六畝

崇興寺在縣西二十五里栢枝寺村有香火地二十四畝

正教寺在縣東八里吳官營有香火地四十畝

觀音寺一在縣東八里程官營有香火地十畝一在縣南二十里孫家堡營有香火地二十八畝

觀音堂一稱送子娘娘廟在南門郭內堪輿家言宜移建鳳起山西各村庄共六十餘座東柳下營有地二十三畝邢家堤有地二十畝臻底村有

地十畝七分小寨村有地五畝西柳營有地四畝五分柳官營有地三畝餘不悉載